



HIVULIQTI AKEEAGOM

# TUHAQTITINIKKUT TITIQQAT

## Ihumaliutqitaujuq pidjutauliqtuq nappaktiriamingnik 3000 nik aimaviqhanik

Tattairnaqhilirvia 18, 2022, Minista Kusugak uqaqtuq takupkaqhugu Igluliuqatigiingniq – igluliuqatigiingniq - the Nunavutim 3000 ihumaliutqitaudjutaa. Una an'ngirut havaqatigiivagaat tahapkuat Nunavut Iglulijijirjuat NCC kutlu uqautigijaanginni igluqhailiurnirmun Nunavunmi. Igluliuqatigiingniq Nunavut 3000 akhuuqtut tunihilutik 3000 nutaanik igluqhanik Nunavunmi talvunamut tikitpat 2030.

➤ Taiguaqhimmaarit



## Nunavunmi ilitturijaujuq akiqhaliuqtaujuq ubluq tamaat \$10 taalamik nutaqqaqiviinni

Talvanga Ubluiqtiriva 1, 2022, Nunavunmi akittuqjuarnaittumik nutaqqaqiviit atuqtauliqtut. An'ngayuqaat pijaaliqtut ikayuutininik tapkua akiqhijuumigutijut akiit laisqaqtunun nutaqqiqiviinni \$10 taalamik attauhirmun ubluq tamaat. Atulihaaliqtumi ukiup, Nunavut Kavamanga sainiqtaat Kanatami tamaat Ilihaliqtinnagit Ajuirhajut Nutaqqaniklu Munarinig An'ngiqatigiiktut ukuallu Kanataup Kavamanga. Akittuqpallaangnaittumik munarinirmun nutaqqanik hivulliutigijaujuq Nunavut Kavamainni Katujjiluta hivuniqhaatatigut.

➤ Taiguaqhimmaarit



## Nunavut unalu Newfoundland Labrador milu atiliuqtaat Angiqatigiingnirmut Nalunaitkutingit

Talvani lidjirurvia 2023, una Angiqatigiingnirmut Nalunaitkutingit sainiqtaujuq akun'ngani Nunavut una Newfoundland unalu Labrador. Nunavutim Hivuliqti Akeeagok unalu Minista Gross katimaqatigiyaait Newfoundland and Labrador's Hivuliqti Munarhit Havaanggit Ministalu Dempster sainiriami una anggirut hakugikhiyuumigutigiyauyuq havaqatigiiknikkut, paatnaqatigiingnikkut, hivuniptingnilu pivallialiurnikkut ukunani malrunggun kavamainni.

➤ Taiguaqhimmaarit



## Hivuliqti Akeeagok quviahuutigiyaa atauhiq ukiuq naunaitkutaa Nunavunmi hivuliqtiunikut

Hikutirvia 2022 mi naunaitkutiqaqtuq atauhirmik ukiumik talvanga P.J. Akeeagok niruaqtauhimajuq Hivuliqtiupluni Nunavunmun. Hivulliqpaangani, siksiupluni Nunavut maligaliurvia katimadjutaanni \$10 taalamik/ubluq tamaat nutaqaqaviitigut aivaqatigivaktaat kavamatuqaitkut, tun'ngahuktittiplugulu Pope Francis Iqalungmut aqhuugutigiplugulu igluqhailliurniq nunavunmut.

Hivuliqti Akeeagok uqaqtuq, "Niriuqtun'nga kivraqtuihimaagumaplugu nunakput. Ilihimajun'nga havaqatigiingniq piujumajumut an'ngijumik nakuuhivalliadjutiniaqtuguq nunaptingnut".

➤ Taiguaqhimmaarit

## Ministat pitqujaujut titiqqatigun uqagijaulugit ukiaqhami maligaliurviup katimaliqqata.

Ukiaqhami katimatilutik maligaliurviup, Hivuliqti Akeeagok uqaqtuq inmik Ministaujut kitumun havagviugijainnik piqaqtuqhat titiqqanik uqagijaujuqhanik. Una hivullitigijaujuq hivuliqtiupluni Nunavunmut piliuqhuni taiguarahaliuqhuni titiqqanik ministanit pitqujaujdutaanik titiraqhimajunik ministanit. Hapkua titiqqat hivuliqtiginiqtaait Nunavutim ministait havaamingni atauttimun itqumajumik ammaumajutunlu illutik atuliqtittinirmun Katujjiluta hivuniqhaata.

➤ Taiguaqhimmaarit



## Kavamatkut havaqatigiiktun pimmarigharnikkut aanniaqtailinirmun munaridjutinik

Uvani Fibjuali 7, 2023, Hivuliqti P.J. Akeeagok ilauvaktuq miitirutimi uvani Hivulliujuuni Ministani uvan Kanadaup hivuliqtiinni unalu Kanadaup Angajuqqarjuanga Justin Trudeau. Uqautaujun pilluaqtun pimmarigharnikkut Kanadaup aanniaqtailinirmun munaridjutainni pidjutaani. Miitirutimi, kavamatuqatkut uqaqtun angiklijuummiqtirniaqtaa aanniaqtailinirmun maniliqtuutikhat avikturhimanirnum ukiuqaqtunullu imaatun \$46 billion-kut nutaani maniliqtuutikhani tikittukhani qulini (10) ukiuni.

➤ Taiguaqhimmaarit



### Ukiuqtaqtumi hivuliqtiit katimajut talvani Ukiuqtaqtumi Hivuliqtiit Katimadjutaanni

Hivuliqti P.J. Akeegok, Yukon Hivuliqti Sandy Silver Nunattiarminlu Hivuliqti Caroline Cochrane katimajut un'ngahikkaluaqhutik Dissaippa 2022 mi uqagijumaplugit anniaqtailinirmun, maniliurnirmun Ukiuqtaqtumilu atanniqtuidjutiarniq. Hivuliqtiit havaqatigiipiaqaktut tamaani 2022 mi hapkununga ihumagijaujunut nutaanguqtiqhgugitlu itquumadjutaita ukiuqtaqtumi aviktuviit havaqatigiingnirmun tunihilutiklu naammagijaujunik ukiuqtaqtumi aviktuviinni hivulliutigijainnut.

➤ [Taiguahimmarit](#)



### Hivuliqti Akeegok katimaqatigijaa Minista Carolyn Bennett

Uvani Hikutirvia 2022, Hivuliqti Akeegok unalu Nunavutim Anniaqtailinirmun Minista John Main katimaqatigiyait kavamatuqainnit Minista Ihumaliqinikkut Ipiralainirmunlu, Carolyn Bennett. Uqaqatigiipagait inminiqtailinirmun ihumaliutiqtuqhaniklu ihariagijaujunik aqhuuqhajjaami ihuaqtumik ihumaliqinikkut. Hivuliqti niriutuq havaqatigijaami Kanata imaa pijaahainnik tamaita inuit Nunavunmi pittaalaqijaamingnik ihumaliqinikkut ipiralainirmunlu ikajuutiqhainnik ihariagijainnik.

➤ [Taiguahimmarit](#)



### Hivuliqti Akeegok ilauvaktuq Northern Lightsnik Katimarjuarutaani

Hivuliqti P.J. Akeegok ilauliqtuq Newfoundland labradorlu Hivuliqti Andrew Furey talvani Northern Lights Hivuliqti Katimayarutmi Ottawami. Hivuliqti ilauvakturlu ukiuk tamaat Ukiuqtaqtumi Akhuurhainnik Taktakhamik aittuhianik quviahuutinik quviahuktungalu takujaami kaffujunik havaktakhanik Nunavunmi quvianaittunik Laureates-nik uumani ukiumi, ilajuqulu una million taalanik taktakhamik akimajuq, Iitaqsiniq Nunavunmi Taiguarnikkut Titirarnikkullu Katimajit uvani piutaani Pilimmaksaijuliriniq Havaktami talvunga inuuhiriknirnun uvani Inuit Nunagani.

➤ [Taiguahimmarit](#)



## Hivuliqti Akeegok pulaaqpaqtuq Anggijuqqaat Kavamaliqijuni United States of American mi

Uvani Fibjuali 2023, Hivuliqti P.J. Akeegok katimaqatigijaa Kivraqtuiji David Cohen talvani Anggijuqqaat Kavamaliqijuni United States of America mi. Hivuliqti piumamapkaujuq uqaqviqattarnirmin aulapkaidjutigut amirhimanirmunlu niriutuqlu tun'ngahuktittiijaami Kivraqtuijimun Cohen hivuni tikitpat lqalungnut.

➤ [Taiguaqhimmaarit](#)



## Nunavut akigaktuiyut Ukiuqtaqtumi Ukiumi Ulapqidjutini

Hivuliqti P.J. Akeegok tingmiyuq Alberta-mun Minista David Joanasie unalu Kamisina Eva Aariak ilauyaami Ukiuqtaqtumi Ukiumi Ulapqidjutini. Hivuliqti quviahuktuq ilaugami angmaqtirnikkut quviahuutini quviahuktungalu tamaita Nunavunmi ulapqijit akittaqtujun ulapqidjutimi.

➤ [Taiguaqhimmaarit](#)



## Puqtuniit 12 mi ilihaqtut quviattaqtait ihumaliuqtiit

Inukshuk An'ngayuqhiit Iliharviat puqtuniit 12mi ilihaqtun takupkaqtittait inmik ilihagutainnik inungnik nunakjuaptingnutigutlu havaagijainnik Ubluqtuhirviami. Hivuliqti quviagijain ilihaqtun qaujiharutainnik qunngaiqtipkaidjutainniklu ukunani anginiqaqtuni ihumagijaujuni Nunavunmi, ilaujullu iglukhainni, ipirailairutini, uvanilu aularaanginnaqtuni auladjutikhanik.

➤ [Taiguaqhimmaarit](#)



## Tikittukhat hulilukaarutikhangit

IIDJIRURVIA 22 - QIQAILRUQ 16, 2023  
Ukiumi Katimaliqqata uumanga Maligaliurvik



UPIN'NGAAMI MINISTAT KATIMADJUTAA



## Ukununga ublumiutanun ilitturidjutikhanun maliklugu Hivuliqti Akeegok.



Facebook



Instagram



Twitter



ᐅᑦᑭᑦᑭᑦᑭᑦ ᐅᑦᑭᑦᑭᑦᑭᑦ  
Building Nunavut Together  
Nunavutluqaatigingniq  
Bâtir le Nunavut ensemble

Havagviani Hivulliqtim  
Atanguyaq Tuhaumatittiyini  
Afsia Hivulliuqtiup  
P.O. Box 2410  
Iqaluit, NU X0A 0H0

Talafuun: 867-975-5050  
Kayumiktukun: 867-975-5051  
www.premier.gov.nu.ca